



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESITSATFU (P3)

INDLOVANA/INDLOVULENKHULU 2015

EMAMAKI: 100

SIKHATSI: 2½ ema-awa

Leliphepha linemakhasi la-6.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:

SIGABA A: Indzaba	(50)
SIGABA B: Ematheksthi emibhalombiko lemidze.	(30)
SIGABA C: Ematheksthi lamafisha laticukatsilwati	(20)
2. Phendvula MUNYE umbuto ESIGABENI A, MUNYE ESIGABENI B, NAMUNYE ESIGABENI C.
3. Bhala TONKHE timphendvulo ngeSiswati.
4. Cala LESO NALESO sigaba ekhasini LELISHA.
5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebenzini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dweba umugca lovundlile etikweluhlaka.
7. Hlela sikhatsi sakho ngalendlela:
 - 80 emaminithi eSIGABENI A
 - 40 emaminithi eSIGABENI B
 - 30 emaminithi eSIGABENI C
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Nika leyo naleyo mphendvulo sihloko lesifanele.

CAPHELA: Sihloko asinganakwa nakubalwa linani lemagama.
10. Bhala ngebunono nangesandla lesifundzekako.

SIGABA A: INDZABA**UMBUTO 1**

Bhala indzaba NGASINYE saletihloko letilandzelako ibe ngemagama langabi ngaphasi kwala-190 futsi angabi ngetulu kwala-240.

- 1.1 Lowo mcimbi ngeke ngawukhohlwa! [50]
- 1.2 Umdlalo lengiwutsandzako. [50]
- 1.3 Indlela lengikhuliswe ngayo. [50]
- 1.4 Emaselifoni angaba lusito aphindze abe yinkinga. Bhala ngelusito nangetinkinga tawo. [50]
- 1.5 Imicimbi yekuvalelisana kwebafudzi bamatekuletjeni icitsa sikhatsi nemali. Veta umbono wakho. [50]
- 1.6 Khetsa SINYE saletitfombe letingentasi ubhale indzaba ngesihloko losicabangako. Bhala inombolo yembuto (1.6.1 noma 1.6.2 noma 1.6.3)

1.6.1

[\[www.google.pets.com\]](http://www.google.pets.com)

[50]


1.6.2



[www.google.floods.com]

[50]

1.6.3



[City Press 10 November 2013]

[50]

SAMBA SIGABA A: 50

SIGABA B: EMATHEKSTHI EMIBHALOMBIKO LEMIDZE**UMBUTO 2**

Khetsa KUNYE kulokulandzelako ubhale ngako ngemagama langabi ngaphasi kwala-80 futsi angabi ngetulu kwala-100.

2.1 INCWADZI YEBUNGANI

Bhalela sihlobo sakho incwadzi usicele kutsi sikubhadalele enyuvesi kulomnyaka lotako njengobe wehlulekile kutfoli ibhazari.

[30]**2.2 LUHLELO NEMAMINITHI EMHLANGANO**

Endzaweni yangakini kunemntfwana lophumelele ngemalengiso etifundvweni takhe tebunjiniyela. Likomiti lempakatsi belinemhlangano wekwenta emalungiselelo ekumhalalisela kulokuphumelela kwakhe. Bhala emaminithi alowo mhlangano.

[30]**2.3 I-ATHIKILI YELIPHEPHANDZABA**

Esifundzeni sangakini kunekwenyuka kwebantfwana labanyenti labaphase matekuletjeni. Bhala i-athikili yekubaluleka ngetinhlobo tetifundvo lebangatitsatsa kute babe nemakhono lafanele.

Bhala i-athikili letawufakwa ephephandzabeni langakini ngenhloso yekubanika lwati ngemakhono labatawafundzela.

[30]**2.4 INKHULUMOMPHENDVULWANO**

Wena nebangani nivule licembu lemculo wekwayito futsi umphakatsi uyanisekela kakhulu, senicabanga kufundzela umculo. Babe wakho ufuna ufundzele budokotela. Bhala inkhulumomphendvulwano emkhatsini kwakho nababe wakho.

[30]**SAMBA SIGABA B: 30**

SIGABA C: EMATHEKSTHI LAMAFISHA LATICUKATSILWATI**UMBUTO 3**

Khetsa KUNYE kulokulandzelako ubhale ngako ngemagama langabi ngaphasi kwala-60 futsi angabi ngetulu kwala-80.

3.1 LIKHADI LESIMEMO


Ulilunga lemtimba welusha emphakatsini wangakini. Kutawuba nemcimbi wekuniketa titifiketi kulabo labasebente kahle etifundvweni tabo tasekupheleni kwemnyaka. Bhala likhadi lesimemo umeme likhansela lendzawo yakini kutsi libekhona kulomcimbi.

[20]**3.2 IDAYARI**

Sikolo senu sitawuvakashela indzawo yekutijabulisa emalanga lamatsafu. Bhala idayari ukhombise lokutawenteka ngalamalanga lamatsafu.

[20]**3.3 TINKHOMBANDLELA**

Umeme umngani wakho kutsi niyobukela umdlalo webhola esitediyamu saseMbombela. Mlayele indlela leya esitediyamu kusuka ematekisini e-White River. (A–K)



[Icanjiwe]

[20]

SAMBA SIGABA C: 20
SAMBA SAKO KONKHE: 100